

續
二
校
碑
隨
美

汪
全
嘉
署

(五)



校碑隨筆卷五

定海

偽鄭

大將軍韋匡伯墓志銘正書二十二行行二十二字有蓋篆書陽文九字

歸長白托活洛氏

開明二年七月

句齋藏石記韋匡伯作虞匡伯誤以為封邑也而文中並無叙及封虞之說且世系引祖孝寬云云其篆蓋莫乃韋之異文無疑義矣
未見著錄



唐

溫泉銘行書翦裱本存四十八行缺上半唐拓孤本昔藏敦煌石室今歸法國巴黎圖書館

庚子掃除石室發見石室藏書中有石刻四種一即溫泉銘文自稱朕而于世字民字均未缺筆故斷為唐太宗御製御書紙尾有墨題一行曰永徽四年八月圍谷府果毅兒下缺此殘本有影印

未見著錄

夫子廟堂碑正書三十五行行六十四字有額篆書陰文六字原碑貞觀初立未久即佚重摹本二一在陝西長安一在山東武城

西廟堂碑宋王彥超重摹今碑為三塊缺一百七十餘字明拓本末行帝德儒風永宣金石等字未泐者即多百餘字

東廟堂碑元至元年間重摹近亦剗過原本筆鋒細銳變成圓鈍矣未剗本第八行懷琠而遊列國之琠字从缶剗本成示且剗本多細碎石花原本無之

有石影本為臨川李氏所藏即相傳唐拓者但精鑑家皆云合舊拓東西兩廟堂碑為一本以西廟堂碑較肥故也李氏更有摹刻本甚精李氏與北平翁方綱題小字于後

徐州都督房彥謙碑隸書碑陽三十六行行七十八字碑陰十五行行十三字側三行前二行十二字後行九字在山東章邱貞觀五年三月

碑近拓下截多鑿滅之字二十年前尚不爾聞趙山鄉人惡碑估椎拓時隨觀多闕人踐傷田禾欲毀作沒字碑以杜碑估之來事為邑令所知嚴禁然已下截漫漶不如復前矣

化度寺邕禪師舍利塔銘正書久佚石自宋已斷缺行數字數不可計重摹本相傳有三可知者一在西安府學一在大興翁氏貞觀五年十一月

重摹本失于肥者北宋也失于瘦者南宋也有石影本向得之以為原拓可珍近據敦皇石室發見之前裝殘本一葉計三十九字書法頗似蘇孝慈志則與所稱原拓又迥乎不同矣此殘本有影印原底歸法國巴黎圖書館

九成宮醴泉銘正書二十四行行四十九字有額篆書陽文六字在陝西

麟遊貞觀六年四月

未刻之原石本不易覲也未刻本與已刻本之大別則在第二十三行雖休弗休原石作弗刻誤從上作勿此石摹刻最多以秦氏本為佳宜審

刻後舊拓本第十行足垂訓于後昆之昆字未損末行永保貞吉之保字个旁未刻粗亦明拓也然明初拓本碑前行魏徵奉勅撰之魏字已泐作空白一方則此碑明初似尚未刻碑兩側一有宋元豐題名一有宋紹聖及明正德嘉靖題名有摹刻本近有石影本丹徒劉氏所藏宋拓本也

虞恭公溫彥博碑正書三十六行行七十七字有額篆書陽文十六字在陝西醴泉貞觀十一年十月

昭陵諸碑之一宋明拓本只就上截二十字許有十九字者亦有二十一二字者近始見全拓明拓本帝嫡升歷之歷字未損則後多二十餘

昔得一本為
存張英等
字

字若准的之的字未損稍舊拓本也多八九字再次則道光拓本于碑
字下有張英拓碑林左讀近又鑿去摹刻本最多曾見一極佳者明拓
也但字畫較原石為肥此種摹刻本近亦不見有石影本即臨川李氏
所藏北宋拓北平翁方綱臨銜名補之

等慈寺碑正書三十二行行六十五字有額篆書陽文九字在河南汜水
碑立貞觀十一年後非二年舊拓本第十三行此馬摠獲之馬字完好
末無道光壬午隸書跋至馬字左旁少損即有跋矣後馬字全泐然第
一行司牧之司字第七行一車書之車書二字第十七行境實鄭州之
境字第十八行化為瞻蔔之林之林字熠耀宵行之熠字第二十六行
時逢无妄之妄字下半皆未泐者猶不失為道光末咸豐初年拓本也
近并此亦泐

伊闕佛龕碑正書三十二行行五十一字有額篆書陰文六字在河南洛
陽貞觀十五年十一月

最舊拓本第二十五行善建佛事下以報鞠育之慈廣修福田以□□

提之業等字未泐今只以字存之字半存又下一之字存業字半存第
二十六行猶且雅頌下美其功同和于天地管絃詠其德等字未泐第
二十八行隨鐵圍下而齊固等字未泐今圍字只餘首少許第二十九
行二諦分源之諦字未泐又有為非寶之為字未泐稍舊拓本即不能
多字惟第十四行第八字無字尚存大半今只餘四點第十五行大將
軍之軍字一首左損而未泐第十九行於中州之於字左旁直筆未泐
作粗道第二十一行倆佛之佛字一旁下損而未泐第二十四行聞大
覺之風之之字末筆未損第二十六行雅頌二字泐亦未如今拓之甚
又下功字力旁右損而未泐及末筆祠字丩旁損而未泐第三十行第
四字圖字上右角未泐第三十一行丹青神面之青字三畫與神字申
旁左下角未泐又下鹽梅二字筆道完好又下因山之山字左未泐凡
此種稍舊拓本于末行近松下尚有全字七半字六往往失拓最舊拓
與近拓則皆有之

隋柱國弘義明公皇甫誕碑正書二十八行行五十九字有額篆書陽文

十二字在陝西西安

此碑明時已斷自第一行第十八字起至第二十八行第四十七字斜裂一道初僅如線謂之線斷本次之則第二行勢重三監之監字未泐其後然并州地處參墟之然并二字未泐謂之三監本最舊則未斷本然未斷本中亦有辨第二十二行參綜機務字未泐者尤舊也

後於第十一行至第二十行泐作一孔所減之字泐海下減公字昆吾下減翼字囊括羣英之英字開國下減首辟鄒陽燕昭等字折旋下減丹地警重周行俄遷等字必察下減同張季之聽理寬猛相等字去職下減哀慟里閭隣人為之罷等字山東之地下減俗阜民澆雖預編民未等字使事下減訖反命授尚書左丞然并等字公贊下減務大邦聲名藉甚精民感等字當辟之下減兆乃懷奪宗之心公備說等字之悲下減切孔氏之山頽痛楊君之棟等字夙下減表白虹之珍黼黻為文幼等字飾之以下減括羽楚金切玉加之以磨等字冲襟下減混寵辱於靈府可等字

監本上有
之印之分大
裂痕日
且刪拓損
多

道光拓本第二十二行滑國公之公字無逸以為邢之無字尚未泐有摹刻本一為李氏摹刻一為裴氏摹刻近有石影本未斷本也

右衛大將軍楊州都督段志玄碑正書三十二行行六十五字有額篆書

陽文十六字在陝西醴泉

貞觀十六年

昭陵諸碑之一第三行至於拔萃著美之至字筆道未損者即舊拓多字本也多字如下第十二行驍衛將軍之驍字馬旁筆畫可見第十三行四百度等字下之選字完好第十四行起復之起字未損第十五行用行之用字未損又下所以之以字左下角未為石花所泐連又下簡字完好近泐甚第十六行趙國公等之等字筆畫可辨第二十三行並宜之宜字完好第二十四行武字完好近泐甚第三十一行表行之行字右上首未損

睦州刺史張琮碑正書二十九行行六十字有額篆書陽文十二字泐存八字又半字二在陝西咸陽碑無年月予友羅叔韞訪碑錄刊謬考為貞觀十七年故列此雍正年間康錦拓本即最初拓也

國子祭酒孔穎達碑正書三十五行行七十六字有額篆書陽文十六字

在陝西醴泉

貞觀二十二年

昭陵諸碑之一昭陵碑舊拓多止上截不僅此碑有然也此碑舊拓第一行右庶子下銀字與後行字冲遠下一冀字皆完好者雖只上截較王氏金石萃編所錄多二百六十餘字曾見宋拓八百餘字殘缺可采者尚三百餘字王蘭泉精拓本約四百餘字較諸近拓則多百許字矣萃編云千五百餘字者蓋指全碑拓本言也又萃編所錄振力聲舊拓明明振芳聲又作近□隨□下將謂等字舊拓明明近至隨運將終

梁文昭公房玄齡碑正書三十六行行約八十一字有額篆書陽文十六字在陝西醴泉

昭陵諸碑之一舊拓本第一行太子太傅之太字筆道未泐粗第四行首繼字未半泐末行齊明之明字少損未泐及月之下半者就中多出與筆道較清晰者一百三十餘字

是碑內諱玄齡字喬五字可辨並足證舊唐書誤新唐書不誤

涿州李氏藏此碑宋拓本有賈秋壑印記亦只半截且後半殘毀近歸襄城趙氏影印以公同好

文安縣主墓志正書二十九行行二十九字歸吳縣吳氏

貞觀廿二年三月

舊拓本首行文安縣主之文字未泐有摹刻畧小于原石宜審摹刻在陝西西安

左監門大將軍樊興碑正書三十一行行六十一字有額篆書陽文九字

在陝西三原

永徽元年七月

道光八年周貞木在獻陵訪得移置學署二十三年六月沈兆霖郭鳳翔刻觀款于銘後正書一行初拓無此

蜀王西閣祭酒蕭勝墓誌正書二十行行二十字歸歸安吳氏

永徽二年八月

末行際字下越四格刺史褚遂良書六字乃後人作偽趙氏魏氏著錄早辨之

雁塔三藏聖教序正書二十一行行四十二字有額隸書陰文八字又記

二十行行四十字有額篆書陰文八字在陝西長安

序永徽四年十月
永徽四年三月

序中第十五行東垂下聖字未剝作望者相傳為宋拓予未見之見明拓本記中兩治作治缺末筆至王蘭泉精拓本則垂拱而治之治字已添末筆封口後一治字尚未封口迨後因避廟諱將凡有玄字未點俱剝之使泐不止兩治字之封口也近有石影本治未封口本也

潁川定公韓仲良碑正書三十二行行六十二字有額篆書陰文十五字在陝西富平永徽六年三月

乾隆元年趙希謙訪得此碑初拓第十二行九圍版蕩之圍字中韋未損衛景武公李靖碑正書碑陽三十九行行八十二字碑陰十三行行二十字有額篆書陰文十二字在陝西醴泉顯慶三年

昭陵諸碑之一舊拓本所見多只上截每行拓至四十三字止舊拓斷鰲二字未損次之則第十一行黿鼉二字未損次之則第四行金石二字未損若第三十三行班劍卅人卅字未損者必明拓無疑多一百九十餘字

王居士磚塔銘正書十七行行十七字石碎或佚或存存亦不明所在

顯慶

三年
十月

石明末出土昔在西安府城南百塔寺已裂而為三人携去後下一小方又裂而為五并上一方與後一方成七石文猶可讀未幾上一石佚自說磬求彼岸等字以下十一行完好世稱說磬本是也近亦不易得但說磬本又有已斷未斷之別其十一行則依然也迨後此十七行又碎間多散佚成小七石本小七石本第三行魏字可見小七石本之次為小五石本蓋就中又佚宗府歌三字一石□載居士窮義園之□勤八字一石最近拓本小五石本中憔悴等字一石又裂而為四而迹往等字一石亦泐迹往二字

說磬一石後刻元祐二年蘇軾詩一首

摹刻本甚多佳者推為長洲鄭廷錫喁谷本吳縣錢湘思贊本鄭本娟秀錢本瘦勁但原石居士之居下古一畫細鋒伸出上尸撇筆外摹刻無之又斷損處顯然鑿痕亦自可辨近有石影本原石與摹刻一種合裝者

杜長史妻薛瑤華墓志銘正書二十三行行二十二字石不明所在或云

已佚 顯慶三年十二月

鄂國忠武公尉遲恭碑正書四十一行行七十八字有額篆書陰文十六

字在陝西醴泉 顯慶四年四月

昭陵諸碑之一碑出土上半已泐甚下存千餘字若第三行軼前修於
樊灌之軼字上尚存華字者舊拓本也後多二十餘字

駙馬都尉衛少卿息豆盧遜墓志銘正書三十二行行三十二字在陝西

咸甯 顯慶四年八月

初拓本石質平漫十九可辨後為人妄刻如第四行既得姓之姓字誤
刻作性祖南之祖字右半誤刻作其第九行士林之士字誤刻作土宏
深之宏字誤刻作安第十行父誤刻作東第十一行家延帝子之帝字
誤刻作甲第十二行朝光之朝字誤刻作朗第十七行浮雲之雲字誤
刻作雪第十八行桂刻不成字第十九行於雍州之於字誤刻作東第
二十三行碎刻不成字又下託誤刻作記第二十四行烏字誤刻作駕

第二十五行陸字誤刻作睦第二十九行齊美之美字誤刻作弟今石已碎首行第八字起至十行第一字向上斜裂一角十一行起至末行上首脫落且于二十五行間向下斜裂直至末行植字下空一格地位計上首減字則十一行起至二十二行行減一二字二十三行減三字二十四五六行減六字二十七八行減五字二十九行減四字三十行減五字又下斜裂紋侵及減一字三十一行減六字又下斜裂紋侵及減二字三十二行減六字

蘭陵長公主碑正書三十一行行七十字有額正書陰文九字在陝西醴泉顯慶四年十月

昭陵諸碑之一明拓本尚完好無損而近拓本已損之字如第七行第十九此字衍女也之女也二字又下原字又第八行首字下無金翠之飾耳絕絲桐之聲等字第九行實字下天字又下雖左姬之含華挺秀謝媛之等字第十一行公字下主字食字又三字下千字第十二行首天字第十三行首太字第十四行均字下黃趙等字第十六行楊字下

啟玄等字第二十行竇氏之氏字又情字下禮字又特字下宜陪等字
第二十二行同氣下特字又殊字下私字第二十四行瞻字下茂字第
二十五行安字下仁字第二十七行皇猷之猷字第二十八行
族字又分下枝字第二十九行溫字下華字第三十行德下為字第三
十一行深下式字此只較上截拓每行十九字者

張興墓志銘正書二十七行行二十七字在河南臨漳龍朔元年十月

舊拓本首行西豐之西字第二行圖籍之圖字與末行掩字與私壤式
題等字完好無少損則其間未為石花侵泐之字甚多

同州三藏聖教序并記正書二十九行行五十八字有額隸書陰文八字
碑陰有宋人題名在陝西大荔龍朔三年六月

明拓本二治字缺末筆又聖慈所被之聖字未損至光緒戊子皖北宮
爾鐸跋占三行在末行倅廳廳字空一格起

道因法師碑正書三十四行行七十三字有額正書陰文七字在陝西長

安龍朔三年十月